

ديوان شعر
غنىة وطن
بالعامية

أحمد محمود سليمان أبوحج

معظم قصائد هذا الديوان منشورة بالصحف والمجلات
المصرية والعربية .

ومنها قصائد فازت المستوى الأول جمهورية ،
والمستوى الثانى جمهورية والمستوى المحلى .

للتناظر
أحمد أبوحج

- اهـداء -

إلى روح والدى الطاهرة ..

إلى الذى علمنى الصبر عند الشدائد
والمحن ..

أهدى هذا الإصدار

المؤلف

أحمد محمود أبو حج

- المقدمة -

هل كان شاعرنا أحمد أبو حج في ديوانه " غنوة وطن " يُطَرِّزُ النجوم
ليضعها على صدر الوطن ، أم تراه يقيم قصراً لليونوتوبيا التي تتربع فيها
قيم الحق والجمال لتنمو بنا إلى عالم الحب ، والعشق ، والأمن والسلام
!؟

لقد استطاع شاعرنا أن يجسد كل ذلك ليصنع لنا عالماً فيه الوطن هو
الرمز والانتصاء ، والأرض هي الشرق والنماء لتعرف أعلام الحرية
خفاقه على مصرنا الخالدة ، لذا لم يكن بمستغرب أن نطلق عليه في
سيناء لقب فارس شعر العامية ذلك الفارس الذي أستطاع أن يمسك بسيف
العدل .

لننشر الحرية ويمحو الظلم والخوف والتبعيه ، ويعيدنا إلى عصر الأمجاد
والبطولات ، حيث كان للعرب الكلمة الأولى في هذا الكون الفسيح .
إن ديوان غنوة وطن يمثل - في رأيي - دراما وطنيه - تجسد الحب
والأنتماء والهوية ، لذا هو يدعو الإنسانية لترفع عن كاهلها الظلم والعار
يقول :

السكات ع الظلم عار

ولحد امتى الانتظار

غيروا لون الحقيقه

مطلعش من يومها نهار

فهو هنا يهفو لعالم المثال ، حيث الثورة على الظلم وكبت الحريات هو

الأساس الأول لبناء الإنسان الحر يقول :

الصبر لما يطول

لازم يكون له حد

والشعب لما يقول

كلامه يبقى جد

والأمة لما تنور

أعلى الجبال تنهد

فهو هنا لا يدعو إلى الثورة بمفهوم كلمة الثورة التي نعرفها ، بل يدعونا
إلى التمرد على النفس ، والنظر للحياة بمفهوم الحرية ، ويوم ينتصر
الإنسان على نفسه تسقط عوالم الظلام ويعم النور الكون فتكون الثورة
هي الثورة الإنسانية التي تحرر الفرد من أغلاله وبالتالي تحرر المجتمع
من قيوده الظالمة .

هذا وتمثل الحبيبه لدى شاعرنا الوطن أيضاً ، إذ أنه يتوسل بحبها ليحرر
نفسه ، ومن ثم ينتصر لإرادته ولحب يقول :

انتى مخلوقه عنساتى

انتى حتة من كياتى

ان رجعتى تاتى ليا

أبقى ببكى شخص تاتى

فهو هنا يهدف إلى الإصلاح من نفسه ليعيد ترتيب أفكاره لينهض

بالإنسانيه داخله ليحرر الأوطان فيقول :

يوم ورا يوم

زى الموجه بتجرى بتجرى

فكرتيني بأيام عسى

لمين كنت

بأخذك واجرى

نلعب ، نشرب ، نهرب

نكتب فوق الورد حروفنا

نرسم عند الشط فرحنا

نسبق حلم الضحكه الجايه

نرسم عمر الفرحه يا عسى

فهو هنا يحلم وضحك لكنه الفرح الذى يستعد لأيام الصعيبه ليستشرق
للتحريره بعد الأحزان لوسابق أحلام الضحك فى المستقبل بعد أيام الحزن
والغضب التى يعيشها .

إن الديوان يحمل بين طياته الحب الكبير لهذا الوطن العربى ، فهو يحب
سيناء وطنه الأصغر ويحب مصر وطنه الأعلى ، ويحب الوطن العربى ،
وطنه الكبير .

يسعى فلا غرو أن نطلق عليه فارس شعر الوطن الذى يتنهض الهمم
لتعود للأمة العربيه هيبكها وكرامتها .

ولكن هل نسى شاعرنا قضايانا القوميه ؟!

بالطبع لا ، وكيف ينسى وهو الذى يدعو إلى تحرير فلسطين والعراق
وسوريا ولبنان ، بل يدعو إلى تحرير الإنسان العربى من أى تبعيه أو
ضغوط خارجيه تحاول أن تنال من العرويه والاسلام

إن الديوان هو غناء للوطن ، غناء حالم بتحرير التراب الوطنى ، ونبذ
الاستعمار والظلم ، أنه ثوره من أجل الحريه ومن أجل الأوطان .

كما ان شاعرنا قد رصع ديوانه بالعديد من الأغاني وكأنه بالغناء سحر
الأوطان ، ولم لا والغناء أمل يعكس أحلامنا وأمالنا ، وناقش قضايانا ،
والشعر العربى ما هو إلا غناء من أجل تحقيق القيم والثوابت ومن أجل
تحرر الإنسان فى كل زمان ومكان .

ان ديوان شاعرنا / أحمد أبو حج هو هو صرخه يجب أن نلتفت إليها فى
عصرنا الحديث لتعيد للأمة ثوابتها ، ولتؤسس لتحريره فصراً يسكن فيه
الإنسان العربى ، مرفوع الهامه ، مفاخر بالكرامه وبالعرويه والاسلام .
وبعد : هل تحدثت عن الديوان وكنوزه ؟ وهل سبرت أغواره ، وأمسكت
بأصدافه ؟!

إن الديوان ملئ بالمعاني النبيله ، لذا نحن نقدم له ، وعلى القارئ أن
يسبح فى بحوره بنفسه ، ويجمع الصدف والثؤلؤ والمرجان وليغنى مع
شاعرنا أغنيات الحب للوطن الخالد .

حاتم عبد الهادى الميبد

عضو اتحاد كتاب مصر

٢٠٠٥/٥/١٧م

- حلوه يا مصر -

أدخلف بقرآنك واجيدك
انى ديت ف تفاصيلك
وشارب من مواويلك
مهما أئف واتقرب
أئف الدنيا راح اجيدك
يا أحلى الدنيا يا بلادى
ما خير الدنيا من خيرك
يا حلوه يا مصر .
* * *

إمتى الحجر ينطق

ويصحح الأوضاع
هو الحجر يا خلق
ذى البشر بنباع
ياما البشر زيفوا
وشقّلوا الأوضاع
مسكوا الضمير مقلوب
ف سوق النخاسة نباع
فى سوق الرخص يا ما
ضمير الخلق ضاع .
* * *

- إمتى الحجر ينطق -

- ليه المكات -

السكات ع الظلم عار
ولحد امتى الانتظار
غيروا لئون الحقيقة
مطلعش من يومها نهار
السكات ع الظلم مَر
والكلام فى الحق مَر
انت يا ابنى اذ كنت حُر
ليه تطول للتظار ***
افتكرت الدنيا غابة
ساحة فاضية للديابة
علموك عزف الريابة
حزن يبكى الصغار ***
لحد امتى نقول خلاص
نصحى ونام ع الرصاص
الأمل خلص خلاص
الحزن خديم ع الديار ***
مَم باعوا الحق ليه
فى الزمن دا ولا ايه
هى لعبة ولا ايه
الجذ فيها صار هزار ***

- أول الطريق -

علموك ازاي تعدى م الببان
علموك ازاي هتخطى
الحواجز والحيطان
علموك تكتب بيانك
مسكوك لجام حصانك
حددوك اتجاهك
من مكانك
كتبوا اسمك
فوق حزامك
علموك امتى تقول
انى نويت
لما تمشى ع الحواجز
لما تعبر تيقاً جاهز
لما تتكلم تقول
اللى انت عايزه
الشهادة يا ابن عمى
الها لذة .
انشارة منى فى تل أبيب
يسمعوها أهل غزة
تطلق الزخوة أمى
ابقى جاهز يا ابن عمى

وصى كل اخواتى بعدى
وصى خالى وصى امى
وصى كل المشتكين
للتشهادة يا ابنى بعدى
واكتب رسالة بدم عمرك
نسخة للحلم الوليد
نسخة للزمن المسافر
نسخة ثانية لحلم بكره
نسخة تالكة للعرب
وتقول لهم
الألف ميل تبدأ بخطوه
والخطاوى لسه يدوب بتبندى
الطريق يمشيها
بعدى المخلصين
الطريق لسه طويل
الطريق مئى ألف ميل
من رفح حد الخليل
الطريق للتشهادة
يعنى هى الانتصار .
* * *

- يوم الخلاص -

الصبر لما يطول
لازم يكون له حد
والنصب لما يقول
كلامه يبقى جد
والأمة لما تنور
أعلى الجبال تنهد
لابد يجي اليوم
تستعجلوش ع الرد * * *
ديابة سعرانه
نلدم عطشاته
لا دين ولا اماته
بين الشعوب تنعد * * *
عصاية السفاح
قتالة الأرواح
سيف الغدر دباح
يغدر ما يعرف حد * * *
أيام عشناها
غربه طويذاها
سنين ما ندساها
قاسية ومرة بجد * * *
يا سبعة وستين
حزك في قلبي دفين
احنا زمان صابرين
الصبر طال وامتد * * *

يا أمة الإسلام
خطى بسرعة قوام
خطى خطا قدام
واتخطى مرة السد * * *
يا أمة التوحيد
النصر جايذا أكيد
نصره في يوم العيد
عود البطل يشند * * *
عشنا سنين طوال
غلبنا مية موال
الغنوة راح تدفال
تنفال في ساعة الجد * * *
أكتوبر الغالي
دايماً على بالي
احلوى يا ليالي
نور يا عود الورد
لازم ندمرهم
في الأرض ندفنهم
يوم الخلاص منهم
تروق وتحلا بجد * * *

- دليل حبك دا جوايا -

دليل حبك دا جوايا

بقا قصه بقا حكاية

بقا حكاية بأحكيها

بقاء قصه بأرويها

بقا غنوة وطول

عمرى بغنيها

سنتين عمرى معيش ليها * * *

دليل حبك سكن قلبي

وقلبي خالي م الأوهام

سكن جوا مع أوصالي

دا سهرنى ما بقدر أنام

معيش عُمرى علفسانك

معيش بعدك وهجرانك

معيش صفحك وغفرانك

مع الأيام

دليل حبك سكن قلبي

وقلبي يومها كان خالي

لقيت قلبي بيدفر

نسيت حالى وأحوالى

ما كان مالى

وأنا مالى

دليل حبك بيكونى

وأنا المجروح

ما بقدر أبوح بأسرارى

لأن الجرح جوايا

بقا حكاية

وأنا صابر على نارى

وطول العمر على حبك

أنا مدارى

دا لازم حبنا يكبر

مع الأيام

* * *

- خدعتيني -

رويتيني كلام معسول
سفيتيني غسل صافى
رسمتك قصة وردية وحدوتة
نسجتيها من الأوهام
ما انى بسمعتها قبل ما نام
ما هى قصة .. كلام فى كلام
رسمتكى نجمة على كفى
نسجتك نبض فى النشرايين
وسجتك فى قلبى سدين
لقيت حالى مع العائنين
بقول يا مين يسئلى
رويتيني كلام معسول
ومش معقول ما هسكرشى
ما انى شارب من أوهامك
كاسات وكاسات
ما انى عايش مرار وهمك
ما انى مكتوب على اسمك
عشر سنوات
دا عمري فى هوا حبك
دا عدى وفات
دا حتى الحب جوايا
عشانك مات
* * *

- الأملانى -

نفسى أخبيكى ف عذبا
نفسى أضملك وبحنان
نفسى أخذك جوا قلبى
نبعد هناك فى الأمان
نفسى أخذك فوق واطير
لجل أعيش لحظة حنان
واملك الكون بجذحاتى
واصحى بدرى من الأدان
واكتب اسمك حرف حرف
فى حدود الورد الاحمر
فوق جفون ورد العبير
نفسى أخذك فوق واطير
وانقش اسمك ع الورود
فوق نسيم الجنة ها اخذك
وابعد ابعد م الحدود
واقتر ان انتى ليا
وابقا اخبيكى ف عذبا
الفضية انتى مخلوقة عشائى
انتى حته من كياتى
ان رجعتى تالى ليا
أبقى بيكى شخص تالى ***

- كلمة -

كلمة منك هتقولها

بين شفايفك

جوا قلبك

حسى بيها

واكتبيها فوق

حدود المستحيل

فوق جبين حلم الأماني

فوق حنين قلبي وقلبك

ابقي غنيها غناوى

ابقي غنيها يا ليل

كلمة منك رجعتنى

للحضان تالى خدتنى

للأمان وياكى بحلم

قلبي بيكى هو أعلم

مُش راح أندم

لو خدوتنى تالى ليكى

مُش راح أندم

لو رموتنى بين ايديكى

أو سابوتنى جوا قلبك

أو قائلولى انك انتى

انتى جاوبتى وقلتى

كلمة فيها كل ألوان العذاب

كلمة منك فيها أيام العذاب

وبجواب منك وكلمة

اللى بيذنا صفحة دارها

السراب * * *

كلمة منك هتقولها

وتنادينى

هتقولها سمعنى

ارسميها فوق حدود المستحيل

ابقي غنيها يا ليل

الطريق بين المسافة والمسافة

نسى جميل

كلمة منك هتقولها

تبقي هي المستحيل

كلمة لو قلتها مرة

تبقي شاهدة ع المعاهدة

هي هتكون الدليل

* * *

- غنوة وطن -

عصفور يغنى ع الشجر

حنن قلوب كل البشر

جبلى معاه قصه وخبر

جبلى معاه قصه غرام

متلونه بلون الأسى

صبيح ومسا غنى أغاتى الاغتراب

طلع السحاب من غير سبب

لون كفوف المجروحين

حنه وأمل .. ايه العمل

لما هيبقا .. بين ايدين الصيادين

لما هيبقا .. بين ايدين الجبارين

لما هيبقا .. بين جفون الموت

بين السكوت .. تحت الحصار

فوق الدمار .. هيعيش على نقطة مطر

عايش على فرع الشجرة

يستنى خير المحسنين

يستنى رافة من البشر

علم جراح الخوف .. حنا الكفوف

ضرب الدفوف .. واستنى لما يكلموه

كلمة حنين .. ويمد ايده للسماء

يستنى خير المحسنين

يستنى خير كل البشر

عصفور يغنى ع الشجر

غنوة عذاب .. رحلة عذاب

رحلة مرار .. أخذ القرار

يوم ما تولد .. أخذ القرار

صبر وجلد .. أخذ الحكاية جد

يوم الصمود .. صمم ما يبقى هناك

رغم القيوم .. عقد العزيمة ونوا

لازم يعود .. لازم يغنى غنوته

لحق وشجون .. لازم يرجع عزته

مهما يكون .. لازم بهز الكون

لازم يجيب كل اللي راح

رغم الجراح .. رغم الخطر

عصفور يغنى ع الشجر

غنوة وطن

- مجاديف الوطن -

امسك بمجدافى

بين موجك الدافى

واسبح وانا مبحر

بحر الوفا صافى

حب الوطن أكبر * * *

بين نخلك العالى

الصحبة تحللى

يا ام الجبين عالى

حضنك ربيع أخضر * * *

لؤلك نسيمه هل

والبدر نوره طل

أرضك دى ورد وفل

مزروعه خير للكل

زهر الأمل نور * * *

للترعة والميه

تجرى بدينه

النيل بيرويها

خضر صحاريها

يروى الزرع أخضر * * *

ع الكبرى عدينا

على بركك أرسينا

عدينا يا سينا

رسيك مراسينا

ع الرمل الذهب لـ صفر

أدلف يمين بالله

حبك دا مش هتساه

الله عليكى الله

حب الوطن ما أحلاه

بأورد متعطرة .

* * *

- مستحيل -

مستحيل في يوم ها أنسا

مستحيل أهرج وأقسا

مستحيل جوايا أبقا

مره نادم

أو في يوم أبقا مسائلم

أو في مره أكون مخلصم

لو في يوم يخذوكى منى

أفضل انكى غصب عنى

جوا روى

مُش راح أهرب من جروحي

لأ ياروى

حتى لو يوم بدلوكى .. مستحيل

أو في يوم هيغيروكى .. مستحيل

حتى لو فرضوا الوصايه .. مستحيل

أو في يوم عملوا جنايه

الحكايه

ان انتى أكبر دليل

مستحيل يوم أبقا عاجز

لازم اتخطى الحواجز

لازم أبقا ديما جاهز

لازم أبقا ليكى انتى

مستحيل أهرج مدينتى

أو في يوم تفتر عزمتى

أصل انتى كل حاجه فى الدليل

انتى مكتويه معانى

انتى مرسومه أمالى

مُش هاعالى .. دربى وياكى طويل

مستحيل انسا الحكايه

لازم احكى م البدايه

يومها ماوصل للنهايه

يومها هتكونى معايا

انتى هتكونى الدليل

مستحيل يخذونى منك

مستحيل

- إحننا هـنا -

خمسين سنه

احنا ولا احنائسى هنا

النار بتحرق لحمننا

الضرب يوجع جسمنا

واحننا ولا احنائسى هنا

القدس تنزف م الوجع

مليون شهيد مالمهم عدد

علم الاعداء اللى ارتفع

رفرف وعثلا فى أرضنا

واحننا ولا احنائسى هنا .

الطفل يهرب من البرود

القدس مربوط بالقيود

القدس امتى راح يعود ؟

وناخذها امتى م اليهود ؟

ونقول لهم احنا هنا ...

كفايه نوم وانتظار

كفايه زل وانكسار

امحو بإيدكوا كل عار

أصل الحكايه الانتصار

نصره قويه تهمنا .

عاززين نحرر قدسنا ..

دم الشهيد ما بيروح هدر

لأنه راضى بالقدر .

ياما على جرحوا صبر

فى الجنه قابل ربنا

روحوا بتجرى فى دمننا

امتى نحرر أرضنا

امتى نحرر قدسنا ...

- عـبـير الأـرض الطـيـبة -
نسايم الفرحة .. تهل بفرحه
يا محلا الفرحة .. نسيم الأرض
وشجر الطيب بلون الحنة
يا أرض الجنة
على مية زمزم .. راح نتللمم
حولين حوضك .. نحكى حكاوى
حكاوى زمان .. صلاة وآذان
شيخ يادن .. صوت قرآن
يادى الفرحة .. الله أكبر
لبي ونادى .. الله أكبر
نشادى وهادى .. الله أكبر
صوت بينادى .. كلمه حق
تعالوا يا عبادى .. صلوا ولبوا
ونادوا ع الهادى .. الله أكبر
كلمة حق .. لما نقولها
الكون ينشق .. تشهد معهدنا
كلمة الحق قولها يا مسلم
لما نقولها فى كل مكان
قولها فى سجده كل آدان
لما نقولها

كل الكون يكون فرحان
شمس الدنيا تهل يا مسلم
لما تنادى من عرفات
كل الدنيا تلبي معاك
نسيم الفرحة تهل علينا من عرفات
يادى الفرحة
نسايم طائفة علينا بفرحة
سنايل خضرة .. سنايل طارحه
تطرح نور .. تطرح ايمان
تنور لينا كل الدنيا
تنور لينا كل مكان ..
* * *

- الصورة المقلوبة -

الصورة صارت بألفه
فيهاش آثار طرايش
إيه تعمل الطوية
جنب الرصاص ما تجيش
سيبوكوا من لبس الطرح
قوموا البسوا الطرايش
خلوا الولد يتولد
خلوا الصبايا تعيش
وين النهمامة وين
حتى الكرامة مفوش
فى كل حارة ودار
حطين نقط تفتيش ***
الطفل لما اتولد
إعلم يشيل الحجر
يمسك لسان نبلته
ويخش وسط الخطر
ويعدى وسط النيران
ما يخفش إلا القدر
ميهمهوش الرصاص
ما خلاص رضى بالقدر
ما خلاص منقولش سلام
وأصبحنا نسمع كلام
فوقوا بقا يا بشر ***

- الالتزام -

محلا الكلام والفضفضه

ساعة رضا

محلا السكات والالتزام

لما الكلام يبقا كده

مُش ع المزاج

لما الكلام يكسروه

يبقا السكات هو الأصول

يبقا السكات يعلمك

فن الأدب والاحتشام

أصل الكلام فن وأدب

الكلمه لو مُش ع المزاج

تبقا محسويه عليك

الالتزام لو علمك أو سكتك

حقك متخدوش بإيدك

بص بعينك والتزم

واعمل كأنك تبتسم

وادی نهاية الالتزام -

- التّهويد -

إيه كان بيحرق من زمان

بعد ما كان هناك أمان

راح الأمان

فات الأوان

والقدس تاهت

من زمان

كان التاريخ فيه العجب

أقروا التاريخ لما انكذب

ومتسائلوش عن السبب

لما انكذب

بدم مسلم كان شهيد

والنصر يومها كان أكيد

الدنيا صارت يومها عيد

كانت المدينة قريبه

من قلوب المسلمين

الأقصى يومها كان حزين

يومها فات صلاح الدين

عدا هناك على حطين

عدوا معاه المسلمين

نصبوا هناك المجزرة

القدس صارت مقبرة

كانت المدينة

من زمان متحرره

فيها الأمان

الله أكبر

صوته بيعلا ويكبر

ظهرت علامات الندم

والظلم والجور والألم

فى عهد مين التلى حكم

التلى ظلم والتلى انظلم

القدس تاهت يا عرب

مفضلش غير

كلمة ندم .

❖ ❖ ❖

- قـرر نهائى -

منيش نادمان .. منيش زعلان

ولا هندمش طول عمرى

ما الى صابر على جراحي بداويها ...

ما الى دايماً مع همومى بواسيها ...

ما الى كلمه على لسانك

تقولها .

ما الى صابر على ايامك المره

منيش زعلان ولا ندمان بالمسره

مفيش غيرك قتل فويا

صبر قتال ...

مفيش غيرك اخذك منى

ليالى طوال ...

منيش حدوده ع لسانك

لقول وقال ...

عشان انسى ليالى المر وادارى

عشان اترد من افكارى

عشان ارجع لاشعارى

ورجع فيكى لياليا وأخط الدمع بعنيا

نسيت حالى وأحوالى ولياليا ...

منيش زعلان ولا ندمان

ولا دمعه تسيل منى

ولا سأل حد عنى

مفيش غيرك اخد منى لياليا .

ومستنى حدا يجى يواسينى .

لأنك انتى لحكايه با اذكبيها

وكنتى الغنوه ع لسانى بعنيها ...

ما الى عايش زمان فيها

وطول عمرى با أرويها

دى قصه عمرى مطويه ومكتوبه

دى كانت منى مسئوليه

ومشطويه من التذكار

وممسوحه من الأفكار

لأنى فوك خدت قرار

ولا هندمش طول عمرى

ولا حتى أنام زعلان .

* * *

- مــــن نفسي -

إذا مره ناديتني
لا بد أجي على نفسي
ولو مره دعيتني
لا بد أجيكي من نفسي
ولو مره ساورتني
اجيئك لو راكب ناكسي
دا حتى لو في نص الليل
أكون نايـم
أكون صاحي
متفرقتني
دا حتى لو في عز البرد
أجيدك ع القدم أمتني
وحتى لو مع أصحابي
أسيب النمل ما اسألنسي
ناديتني مره
من نفسي .
* * *

- أوعى تخدعيني -

اوعى مره تخدعيني
أو تعانديني وتجرحيني
ابقى في حضنك خديني
رجعيني للحياه
لبسيني كوب معطر .. ما تخفدش
أيوه خليني أعيش .. لو ثواني
ابقا جذبك .. شخص كاتي
مره أنسا انك انتي خديني
أنسا نفسي
أنسا ان الحب أصبح .. حاجه تاتيـه
أنسا ان الدنيا صيحت
لحظه فاتيه
أنسا ان إنتي خلاص .. بقيتي مني
مستحيل تستغنى عني
مُش مصدق .. إن مره تخدعيني
مُش مصدق .. إن إنتي
تخدعيني ***

- أُنْدهُلكَ -

أُشوف الدمع

فى عنيكى

أقول فرحه

أشوف الضحكه

ع شفائيك

أقول وردة عيبر

طارحه

أشوفك جوا

فى عذبا أذبيكى

ألاقي تعدى فوق

مسافاتي

أداريكى

أضمك جوا فى الوجدان

ونركب فوق بساط الريح

تعدى نسبق الموجه

وأندھلك

على مهلك

ونغزل قصة وحكايا

محدث يوم

هيغلها

ولا الأحلام

ولا قصة ابن شداد

وعشقه فى الغرام

عبله

تعدى الموجه

والثانيه

واحس بأدى

فى الجنبه

أحنى كفوفى

بالحنه

واندھلك

تضمينى على صدرك

وتأخذينى

تودينى

لأبعد نجمه فى العالى

ونبقا هناك

خير يتقال

ويتغنى

ع كل نسان

ويومها نفسى

مصحاتنى

وأفضل يومها مستنى

ومين م النوم

يصحبنى ***

- دليل حبك -

دليل حبك سكن قلبي

وعشش جوا في النمرالين

وخيظ الود يا ودي

ربطني في هواك سنين

ويوم ما كان فسائك ليا

وطول هجرتك كده علي

منيش قادر أعيش بعدك

ولا قادر علي بعدك

بعيد عنك

بعيش مسكين

يا طول صبري وتعذبي

دا صبري طال بقائوا سنين

ولأمتي ها أستني

صبر مكتوب علي العائدين

لحد العمر ما يكمل

وقربي في هوا الحلوين

وعمرى ما هدوق المر

وأنسا مره كنت حزين

دليل حبك أخذك مني

لياليا وأيامي

ونسائي وجع همي

وبدد كل أوهامي

ما انتي قصه مكتوبه

علي جبیني

منا عيني

ما انتي غنوه تدغني

ما انت للهوى معنى

ما انتي ليل

هوا العائدين .

♦ ♦ ♦

- أمتى نفوق يا ناس -

ما عدنى نسيهم

بعد الوجع والههم

بحور بتنزف دم

بدل الفرح بقا غم ***

الساحه مزيانه

والامه غرقانه

مهياش دريانه

يومالى تنسرب سم ***

كاس المرار دقناه

والظلم عتدنا معاه

عائدين ع قولة آه

الجرح امتى يلهم ***

إمتى نفوق يا ناس

نسربنا مر الكاس

فوقوا بقا يا ناس

ليه السكات ع الظلم ***

ياللا امسكوا النبيوت

مش عايزه أى سكوت

ما كلوا راح يموت

مش فارقته يا ابن النعم ***

إمتى نفوق م النوم

كل يوم نقول اليوم

عتدنا سنين طوال

ننسرب كاسات الههم ***

كاس الوجع قاسى

من ساسى لراسى

مكتوب فى كراسى

انتوا وأنا ع الظلم ***

ربك يعدلها

والدفعه يعدلها

بلكن بيدلها

وتروقى بقا يا عم .

* * *

- ابن العمدة والتكخين -
عامل غُرْزَه ويشرب شيبينه
ثم الشَّله ف وسط عرينه
الله يعوض في التحوينه
ساعة الجد فيهاش هزار ***
ابن العمده عامل بيه
بيشرب بنجو اسم الله عليه
كل الثروه ملك ايديه
حتى الهزبه والداوار ***
طالع نازل ع المصاريف
عامل فيها ولد نصريف
همه التنيينه همه الكيف
عايش عائله كاته حمار ***
وسط الناس بيعمل راجل
لما تشوفه تحسبه عاقل
لو جربته هتعرفه هامل
راح تنبيهه من الأنظار ***
يا ابني يا ولدى الشرب حرام
فتوة دين مُش أى كلام
فتوى عظيمه من الإسلام
الكيف هيروح النار ***

بيشرب وسكى ويشرب بيره
خله أبوه وامه في حيره
جاب لخواته مصيبه كبيره
فضى حياته ورا الأسوار ***
في المدرسة أو حتى الشارع
لما تشوف الدخان واللع
اعمل نفسك مذكاش شايف
احفظ نفسك م الأضرار ***
انت أماته يا ولدى ليلتك
أوعى تخطى الشرب يهدك
يا ابني يا صاحبي الشرب عدوك
شرب البنجو يا ابني دمار ***
لو جريت الهامل مره
مُش هتصاحبه يوم بالمره
راح يجبلك كل مضره
غير اليلوه وغير العار ***
يا ابني يا صاحبي
الشرب دمار
يا ابني يا صاحبي
الشرب دمار ***

- قعدة عربية -

امسك بإيدى القدم
واكتب فى كراسى
واشطب سطور الندم
من جوا احساسى
وانساك لما افكر
وانسا وجع راسى
وابنى سطور الورق
هرم ويعلا فوق
يرفع هامات العرب
ويرفع كمان راسى ***
لبنان بلد الأمان
جاينك أمير ورأس
فيهم ملوك حكام
مفهمنى أى خسيس
فيهم عزيمة وصلابه
ممكن تشد الحيل
ياخدوا قرار المرجئه
دون مهمده وكويس ***
قلوب الشعوب اتشعلت
فى رقاب حكامها
حذفت رب السما
للى بيحكمها
اللى حكم بالعدل
واللى بيظلمها

أصل المسألة بقت جد
مُش عايزه أى هزار
خدوا بقا القرارات
والقعدة تحسمها ***
يا حكام العرب فوقوا
وعدلوا القرارات
وكفايه م الدهوسه
سيبكوا م اللى فات
سيبكوا م الغطرسه
شدوا ع ايد عرفات
وانسوا سنين الوجع
فى القعدة يا اخوات ***
دم الصبى دا دون
فى رقاب حكاموا
وين الحجر كان وين
يا ناس لا تناموا
صنوا معى ع الزين
واتذكروا أيامه
أصل الحكايه نوم
وفى بحر الطناش عاموا ***

لا تقوللى من اسوان
ولا حتى من بيروت
ولا حتى م السودان
ولا من طرف أسبوط
ما كلوا فى لبنان
عايزين قرار مظلوط ***
أوقف نزيف الدم
لو كان فى ايدك قرار
وارفع حمول الهم
م الحوش وسط الدار
وانسا ان انت الصديق
للخاين الغدار
اللى حكم بالظلم
وناوى لنا دمار ***
القدس قلب الوطن
فى الأصل عربية
عاشت سنين المحن
بدل السنه ميه
إذا كنا احنا ناسيين
ماهتسناتى هيه
خليكوا معى فاكرين
القعدة العربية

- أَلَمْ وَجِرَاح -
ما دقت طعم الفرح
بقالى سنين يا امه
ولا دقت طعم الهنا
بعد الضنا يا امه
اللى انكوى بالذار
يفضل حزين مجروح
يبقى حزين القذب
نسائل ألم وجروح
ما عاد يفيد اليكا
ولا عاد يفيد النوح
حطيت على همى دوا
عشمان يطيب همى
وانسا اليكا والهم
وانسا الألم يا أمى
ياما ما عدتسى الفرح
يعرف طريقى يوم
نسيت معاد الأحبه
والصحبه واللمه ***

- عودى -

يا أيام الهنا عودى
أنا محافظ على وعودى
هاتيلى كل ما عندك
ومن خير الزمان جودى
يا أيام الهنا والود
واحلامنا .. اللي كان فيها
ليالى السعد .. وأيامنا
اللى كنا فيها .. نقطف ورد
نتلحف بجو جميل
ونعرس أرضنا حنه
وصباحى نقول مواويل
كأنا عشنا فى الجنه
ما هى أيام كانت حلوه
ونفسى تعودى يا أيام
على بسمه على غنوه
على ذكرى مع الأحلام
ولا عدنسى الجدع يفرح
ما هى الأيام ساعات تجرح
مفيش مطرح يصبرنى
على وعودى
دخيلك يا ليالينا ..
دخيلك وفى بوعودى * * *

- فكرتيني -

فكرتيني بأيام عمري
لمن كنت بحبك بدرى
لمن كنت با أرمى طففتى
وأجرى وراها وأخذت منى
ليالى طفولتى
أخذت منى جهدى ووقتى
من دلوقتى بحس كاتى
بحبك تاتى وأفضل أحبك
غصبن عنى
مُش تفتكرى حياتنا الحلوه
هو صحيح العمر بيجرى
يوم ورا يوم ذى الموجه
بتجرى بتجرى
فكرتيني بأيام عمري
لمن كنت با اخذك وأجرى
نلعب نشرب نهرب
نكتب فوق الورد حروفنا
نرسم عند النقط فرحنا
نسبق حلم الضحكه الجايا
نرسم عمر الفرحه يا عمري
وبحنيه أخذك وأجرى
وأفضى معاكى أيام عمري * * *

- دليل النصر -

أبدأ ما يجي الهم
يرجع هنا تأتي
ولا يعرف الحزن الطريق
لأهلي وأوطاني
عشنا سنين طوال
دُفنا المرار ألوان
رجع الفرح والنصر
لمصر صار عنوان
أكتوبر المدرسه
غير تاريخ الأوطان
سجل تاريخ العرب
نور في كل مكان
الله عليكى يا مصر
أنا ليكى والله مدان ...
أبدأ معدش الخوف
يعرف طريق ابني
ولا عدنسى يوم الألم
تأتى يعذبني
ايدك فى ايدى نعوش
انعمر وذبني
نقيد نسموع الفرح

تلاي فوق تأتي
تنور طريق النصر
لأهلي وخلاي
وتعرف ريات الأمل
ع بلدى وأوطاني
حتى لو أنا نسييت
هى ما تدرسي
هى هتكون الدليل
وتبقى عنواني .
* * *

- لعبة العصارى -
لما بنلعب أنا واخوانى
فى العصريه وسط الدار
نحكى حكاوى نغنى غناوى
نلعب سبجه نقول أشعار
يجوا أصحابى واولاد عمى
كبار واصغار
نلعب عسكر أو حرميه
مره عساكر أو دوريه
نلعب جد ومره هزار
مره نلعب منع تجول
مره نلعب فك حصار
مره نلعب ساقيه تدور
واللى ساقىها واحد حصار
مره نمسك مدفع خرده
من غير خدمه فهوش زرار
مره نلعب خوزه دفعه
وجذمه قديمه عليها غبار
نفضل نلعب عند المغرب
بعد المغرب قدنا الدار
نعمل شاي ونشرب قهوه

ونعمل سامر وسط الدار
ونلعب لعبة أبو عين عوره
لما يناكف أبوعمار
نعمل حلقه وثيها بوابه
نرقص ديكه على المذمار
تيجى الحاجه
فى ايدها عصايه
تجرى ورائنا
لباب الدار
نفضل نجرى وتجرى ورائنا
ننسى إن احنا
ولاد صغار .
❖ ❖ ❖

- تاتى مرة -

تاتى مره

ترجعينى للكلام

تاتى مره أعرف انك

راجعه تاتى للخصام

تاتى مره أعرف انك

حاجه تاتيه تكونى واضحه

وتغيرى رأيك فى تاتيه

مره تاتيه ابتدينا وانتهينا

البدايه مش عشائك هبتديها

الحكايه أصل إنتى هتدعفيها

الحكايه قصه تاتيه هتقولها

أصل عُمري مش راح اندم

ولا يوم ابقا فى ايديكى

ولا ابقا تاتى مره أخاف عليكى

ولا فاكهه انى لعبه بين ايديكى

مُش راح انسا يوم خصامك

ولا يوم فسوة كلامك

ولا هجرك أو عذابك

ولا نار القسوه منك

يوم لَأنك

تاتى مره تَزْعَلينى

تاتى مره تخذعينى

تاتى مره تظلمينى

تاتى مره تكونى قاسيه

أصل انت يوم ما عمرك

كنتى واضحه

لَا يا نسا طره

أوعى مره تكونى غامضه

مُش راح ارضى

ابقى لعبه بين ايديكى

مُش راح ارضى

يوم تَقْلِبى يخاف عليكى

تاتى مره .

❖ ❖ ❖

- نفسى الريح فى يوم يواتى -

هو خلاص الدم تغير

ولا خلاص الدم العربى

ما بقاش أحمر

نفسى أشوف العربى

فى يوم اتحرر من أهانه

كل ظروف الدنيا اجتمعت

عكس الوجه زى الريح

تمنى بعكس الموج العاتى

نفسى الريح فى يوم

يواتى ويمنى الصبح

مهما انادى .. مهما أهاتى

صوتى انبح آه يا خواتى

مين يسمعنى الكل باوعنى

هو خلاص محدش يعنى

سائل فى ولا خلاص

الدنيا اجتمعت

تاتى على

لازم تيجى اللحظه

اللى ابقى فيها عافيه

أصطب طولى بلغمه طريقه

وآخذ نفسى بشربه ميه

شويه شويه هاعدى الموج

واسبح فوق البحر الهاويج

وامنى براحتى

وامسك سيف الرحمه

فى ايدى

واللى يخالفمره أوامرى

ما هيسدجرى يبص

فى وثنى

لازم يبقى بقوللى

أوامرك

وابقى ساعتهها

أقولوا يا سيدى

ابقى ساعتهها

أقولوا يا سيدى ..

❖ ❖ ❖

- مـوال -

هنت نبالى العود

والصحبه واللمه

والبسنا توب جديد

وجاتا الهنا يا امه

يا امه معدش إلا سا

يعرف طريق دارى

ولا عدنسى يوم البكا

يشعل لهيب نارى

ضمينى بحنان وأدب

ضمه على ضممه

صدرك يا امى حنون

حنين ع كل الناس

حنيه متفرقه

تتوزع على الأمه .

- سـيناء الجنه -

وصفوكى يا سيدنا

انك جنه جنه رضوان

بعزيمه المولى التى نصرنا

فى عشره رمضان ...

ارجعتى يا سيدنا لأمك مصر

هنخلى الصدر ع أرك قصر

عالى البنيان ***

باراده قويه وحلم جديد

هنخلى أيامك كلها عيد

ونمى الخير علفسان يزد

كمان وكمان ...

ع تراك عتفنا ونمينا

للمولى صمنا وصلينا

على طور سيدنا موسى الكلم

ناجا الرحمن ...

بحذف بسمكى وبترابك

للعالم كله افتح بابك

ويرعرع للدنيا شهابك

فى كل أوان ...

افرحنا وغنينا فى عيدك

المولى يبارك ويزيدك

أولادك غنوا أغانيكى

أروع ألحان ...

على طابا يا سيدنا ارفع علمى

واكتب لحروف من دمي

ياللا يا خالى ياللا يا عمى

علوا البنيان

موصوفه يا سيدنا

انك جنه .. جنه رضوان ...

{الشاعر فى سطور }

- أحمد محمود سليمان أبوحج .

- الشهرة أحمد أبوحج .

- مواليد العريش - شمال سيناء .

- شاعر .

* عضو مجلس إدارة نادى الأدب بالعريش .

* رئيس لجنة الإعلام بنادى الأدب بالعريش .

* عضو جمعية سيناء الثقافية .

* رئيس لجنة الإعلام بالمجلس المحلى حتى عام ٢٠٠١ .

* دورة بالعمل الإذاعى بماسبيرو ١٩٨٤م بإتحاد الإذاعة والتليفزيون

بالقاهرة فى إعداد البرامج والتنسيق الإذاعى لإذاعة شمال سيناء .

* دورة فى الصحافة والعمل الصحفى .

* مدير تحرير مجلة ابداعات النص الأدبية .

* مدير تحرير مجلة صوت سيناء .

* عضو نادى المشاهدة بالإعلام .

* محرر صحفى .

* عضو هيئة المكذب السياسى بالحزب الوطنى قسم ثالث .

* مركز اول جمهورية فى شهر العامية عام ٢٠٠٣ بوزارة الشباب .

* مركز ثانى جمهورية فى مسابقة ايداع العامية بجريدة العروبة ٢٠٠٥ .

* مركز ثالثى فى العامية عام ١٩٩٤م بجريدة سيناء المستقبل

* صدر ديوان وجه آخر للقمر ٢٠٠١ غنائى عن الهيئة العامة

لقصور الثقافة .

* معظم قصائد الديوان منشورة بالصحف والمجلات المصرية والعربية

* تحت الطبع ديوان غنوة وطن - ديوان مكتوبة فى نلى العيين .

* أعمال بالإذاعة المحلية بشمال سيناء منها : إعداد فوازير رمضان

ومشاركة فى البرامج الإذاعية والتغطية الإعلامية فى قسم الأخبار

للجريدة الصوتية .

* دراسات بكلية الإعلام - جامعة القاهرة - الجامعة المفتوحة .